

Broj: U.D-01-04-9393/22
Sarajevo, 08.06.2022. godine

Na osnovu člana 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, Odluke Uprave Društva o odobravanju dodatnih finansijskih sredstava br.U.D-01-04-9094/22 od 02.06.2022.godine te prijedloga - preporuke Komisije za nabavku tonera i ribona za Lexmark i ostale printere i štampače na nivou JP BH Pošta d.o.o. Sarajevo broj: 07.4-11-9-4185-23/22 od 03.06.2022.godine, Uprava Društva na 140 elektronskoj sjednici održanoj dana 08.06.2022. godine, donosi:

O D L U K U O IZBORU NAJPOVOLJNIJEG PONUĐAČA

I

U postupku javne nabavke tonera i ribona za Lexmark i ostale printere i štampače na nivou JP BH Pošta d.o.o. Sarajevo, za LOT 1 – Nabavka tonera za LEXMARK printere i štampače, ovom odlukom vrši se izbor najpovoljnijeg ponuđača: Printex doo Sarajevo u iznosu od 234.834,00 KM bez PDV-a, odnosno ukupnu vrijednost od 274.755,78 KM sa uračunatim PDV-om

II

Izabrani ponuđač je dužan da u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originalni ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **tonera i ribona za Lexmark i ostale printere i štampače na nivou JP BH Pošta d.o.o. Sarajevo** broj:U.D-01.04-4585/22 od 10.03.2022. godine i Rješenja Generalnog direktora o formiranju Komisije za provođenje postupka nabavke broj: 01-11-9-4185-2/22 od 11.03.2022. godine, Komisija je provela postupak javne nabavke, putem otvorenog postupka sa objavljivanjem Objaveštenja o nabavci, broj: br. 238-1-1-188-3-37/22 od 06.04.2022.g. odnosno ispravke obavještenja na Portalu JN: 238-1-1-188-8-47/22 od 25.04.2022.godine.

Predmetna nabavka podijeljena je u 2 lota, i to:

- LOT 1– Nabavka tonera za LEXMARK printere i štampače 194.000,00 KM
- LOT 2 – Nabavka tonera i ribona za ostale printere i štampače..... 55.000,00 KM



Javno otvaranje ponuda u postupku predmetne nabavke održano je dana 09.05.2022. godine u 12 sati i 15 min, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda, broj: 07.4-11-9-4185-17/22, koji je sastavni dio ovog Izvještaja. Svim ponuđačima isti je dostavljen putem mail-a 09.05.2022.godine.

Komisija je prije samog otvaranja ponuda konstatovala sljedeće:

- da je tenderska dokumentacija učinjena dostupnom na Portalu JN;
- da je ukupno 19 (devetnaest) potencijalnih ponuđača preuzelo tendersku dokumentaciju;
- da su do roka za dostavljanje ponuda pristigle ukupno 3 (tri) blagovremene ponude za LOT 1;
- da su koverta neoštećene, uredno zapakovane i zapečaćene
- da su na koverta stavljeni redni brojevi prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (do 09.05.2022. godine do 12,00 sati), pristigle su ponuda slijedećih ponuđača:

LOT 1 – Nabavka tonera za LEXMARK printere i štampače

Printex doo Sarajevo

u iznosu od 234.834,00 KM bez PDV-a

Defter doo Sarajevo

u iznosu od 190.146,00 KM bez PDV-a

Primaprom doo Banja Luka

u iznosu od 319.978,70 KM bez PDV-a

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

za LOT 1 – Nabavka tonera za LEXMARK printere i štampače

Komisija je izvršila uvid u dostavljene ponude svih ponuđača koji su učestvovali u predmetnom postupku nabavke **za LOT 1** te je prilikom analize ponuda komisija utvrdila sljedeće:

- da ponuda ponuđača **Defter doo Sarajevo** sa ukupnom vrijednošću ponude iznosi **190.146,00 KM bez PDV-a** te ne ispunjava sve pravne, ekonomske i tehničke uslove utvrđene tenderskom dokumentacijom. Naime, cijeneći činjenicu da navedeni ponuđač u ponudi dokumente na strani od 29 do 41 uz ovjereni prijevod od ovlaštenog sudskog tumača **nije dostavio originale ili ovjerene kopije dokumenata** kojim dokazuje tehničku i profesionalnu sposobnost, a što je u suprotnosti sa tačkom 7.3.3 TD koja glasi:

„Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost za LOT-ove za koji podnosi ponudu“

Shodno tome, ponuda ponuđača **Defter doo Sarajevo** je ocijenjena kao **neprihvatljiva** za ugovorni organ i ne može biti predmet vrednovanja.

